

- 454 -

Na osnovu člana 12. Zakona o javnom redu i miru («Službene novine ZE-DO kantona» broj 8/00 i 11/07), člana 8. stav 3. alineja 16. Zakona o principima lokalne samouprave u Federaciji Bosne i Hercegovine («Službene novine FBiH» broj 49/06) i člana 25. stav 1. tačka 2. Statuta Općine Zavidovići («Službeni glasnik Općine Zavidovići», broj 5/2008 i 5/a/2008), Općinsko vijeće Zavidovići na 11. sjednici održanoj 09.06.2009. godine donijelo je

## **O D L U K U**

### **o izmjenama i dopunama Odluke o javnom redu i miru**

#### **Član 1.**

U članu 4. Odluke o javnom redu i miru («Službeni glasnik općine Zavidovići» broj 11/2007 i 7/2008) stav 2. se briše.

#### **Član 2.**

U članu 7. stav 2. tačka a.) iza riječi „dragstora“ dodaje se zarez i riječ „apoteka“.

U članu 7. stav 5. mijenja se i glasi: „Zabranjen je rad objekata iz stava 1. tačka a. ovog člana u dane državnih praznika izuzev trgovinskih centara, apoteka, specijaliziranih prodavnica pekarskih proizvoda i kioska za prodaju štampe“.

#### **Član 3.**

Član 19. mijenja se i glasi: “Nadzor nad sprovođenjem odredaba članova 2., 3., 4., 5., 7., 8., 9., 10., 11. stav 1, 12., 13. stav 2, 14., 15. i 17. ove Odluke vrši Policijska uprava Zavidovići.

Nadzor nad sprovođenjem odredbe člana 6. i 11. stav 2 ove Odluke vrši tržišna i turističko-ugostiteljska inspekcija.

Nadzor nad sprovođenjem odredaba članova 11. stav 3, 13. stav 1, 15., 16. i 18. ove Odluke vrši komunalna inspekcija.

#### **Član 4.**

Član 20. mijenja se i glasi:

„Novčanom kaznom od 500,00 do 2.000,00 KM kazniti će se pravno lice za prekršaj:

1. ako u naselju ili otvorenom prostoru bez prethodnog odobrenja ili mimo odobrenja upotrebljava aparate - muzičke instrumente sa pojačanjem zvuka (član 3. stav 1. i 4.),

2. ako izvodi i organizuje izvođenje muzike suprotno zabrani iz člana 4. ove Odluke,

3. ako stvara buku protivno članu 5. stav 2. ove Odluke,

4. ako se ne pridržava radnog vremena iz člana 6. stav 1. ove Odluke.

5. ako za vrijeme državnih i vjerskih praznika radi produženo radno vrijeme bez odobrenja iz člana 6. stav 3.

6. ako toči alkohol u ugostiteljskim objektima ili vrši prodaju alkohola licima mlađim od 18 godina (član 11. stav 2),

Novčanom kaznom od 100,00 do 500,00 KM kazniti će se odgovorno lice za prekršaj iz stava 1. ovog člana.

- 455 -

Novčanom kaznom u iznosu od 200,00 KM do 700,00 KM kazniti će se i obrtnik, trgovac ili ugostitelj-fizičko lice za prekršaje utvrđene u stavu 1. ovog člana tačka 1. i 3. ovog člana, a za prekršaje iz stava 1. tačke 2., 4. 5. i 6. kaznit će se novčanom kaznom u iznosu od 500,00 do 700,00 KM“.

#### **Član 5.**

Član 21. stav 1. mijenja se i glasi:

„Novčanom kaznom od 100,00 do 300,00 KM kazniti će se fizičko lice za prekršaj:

1. ako na javnim mjestima gdje se stvaraju redovi građana stvara nered i ulazi preko reda (član 2.),
2. ako u naselju ili otvorenom prostoru bez prethodnog odobrenja ili mimo odobrenja upotrebljava aparate-muzičke instrumente sa pojačanjem zvuka (član 3. stav 1 i 4),
3. ako se na javnim mjestima ne pridržava zabrane iz člana 5. stav 1. ove Odluke,
4. ako nosi i baca predmete iz člana 7. ove Odluke,
5. ako postupi suprotno zabrani iz člana 8. ove Odluke,
6. ako postupa sa psom i opasnim životinjama u suprotnosti sa članom 9. ove Odluke,
7. ako ulazi u prostorije i ograđene prostore iz člana 10. ove Odluke,
8. ako unosi i konzumira alkohol suprotno zabrani iz člana 11. stav 1. i 3. Odluke,
9. ako sjedi na objektima iz člana 12. stav 1. Odluke i leži na mjestima iz stav 2. istog člana,
10. ako ne poštuje zabrane iz člana 13. do 18. Odluke“.

#### **Član 6.**

Ovlašćuje se Komisija za propise i statut da utvrdi prečišćeni tekst Odluke o javnom redu i miru.

#### **Član 7.**

Ova Odluka stupa na snagu prvog dana od dana objavljivanja u «Službenom glasniku Općine Zavidovići».

OPĆINA ZAVIDOVIĆI  
- OPĆINSKO VIJEĆE -

Broj: 01-05-1301/09  
Datum, 09.06.2009.godine

PREDSJEDAVAJUĆI  
OPĆINSKOG VIJEĆA

ing. Radosav Petrović, s.r.

(M.P.)

## O B R A Z L O Ž E N J E

### PRAVNI OSNOV ZA DONOŠENJE ODLUKE

U članu 12. Zakona o javnom redu i miru («Službene novine ZE-DO kantona» broj 8/2000 i 11/2007) određeno je da: «Općinsko vijeće može svojom odlukom propisati i druge prekršaje protiv javnog reda i mira».

U članu 8. stav 3. alineja 16. Zakona o principima lokalne samouprave u Federaciji Bosne i Hercegovine («Službene novine FBiH» broj 49/06) određeno je da: «U vlastite nadležnosti jedinice lokalne samouprave posebno spadaju: analiza stanja javnog reda i mira, sigurnosti ljudi i imovine, te predlaganje mjera prema nadležnim organima za ova pitanja».

### RAZLOZI DONOŠENJA ODLUKE

Kantonalna uprava za inspekcijske poslove Zeničko-dobojskog kantona podnijela je inicijativu za izmjenu Odluke o radnom vremenu u određenim djelatnostima na području općine Zavidovići i Odluke o javnom redu i miru. Prilikom razmatranja i analize razloga navedenih u podnesenoj inicijativi, utvrđeno je da je ista opravdana jer zbog visine zapriječene novčane kazne za učinjene prekršaje nije postignuta svrha kažnjavanja. Obzirom da je Odlukom o javnom redu i miru regulisano radno vrijeme ugostiteljskih objekata, te da radno vrijeme nije regulisano posebnom Odlukom o radnom vremenu u određenim djelatnostima na području općine Zavidovići, pristupilo se izmjenama i dopunama Odluke o javnom redu i miru. Nije prihvaćen prijedlog Kantonalne uprave za inspekcijske poslove Zeničko-dobojskog kantona da se pored novčane kazne propiše izricanje zaštitne mjere zabrane rade, jer navedeni prijedlog nije u skladu sa članom 17. Zakona o prekršajima Federacije BiH, kojim je propisano da se zaštitne mjere mogu propisati samo zakonom. Zakonom o turističko-ugostiteljskoj djelatnosti («Službene novine Federacije BiH» broj 19/96 i 28/03) nije data mogućnost općinskim vijećima da svojim odlukama propisuju zaštitne mjere za prekršaje iz oblasti ugostiteljstva, te je navedenim Zakonom propisano u članu 127. stav 1. tačka 4. kao činjenje prekršaja od strane ugostitelja ukoliko se ne pridržava radnog vremena bez mogućnosti izricanja zaštitnih mjera.

Također je utvrđeno da Odluka o javnom redu i miru nije u potpunosti usklađena sa Zakonom o zaštiti od buke („Službene novine ZE-DO kantona“ broj 2/2008) na osnovu inicijative Kapetanović Salema iz Ribnice koja je ocjenjena kao opravdana. Naime, u članu 4. stav 2. Odluke o javnom redu i miru propisano je da je zabranjeno u okviru ljetne bašte kao i na fasadnim zidovima koji vežu uz prostor ljetne bašte, kako sa vanjske tako i sa unutrašnje strane, postavljanje uređaja za puštanje, reprodukciju i pojačavanje zvuka, dok je članom 18. Zakona o zaštiti od buke dopušteno korištenje akustičnih uređaja u otvorenom prostoru pod uslovima koje propisuje navedeni Zakon. U konkretnom slučaju proizilazi da član 4. stav 2. Odluke o javnom redu i miru nije u skladu sa Zakonom o zaštiti od buke.

Mjesna zajednica Asim Čamdžić je podnijela inicijativu kojom predlaže da se za apoteke uvede radno vrijeme u trajanju od 24,00 sata. Navedena inicijativa je ocjenjena kao opravdana jer apoteke spadju u trgovačke objekte u kojima je zabranjen rad od 22,00 do 6,00 sati te nedjeljom i u dane praznika. Cijeneći asortiman roba koji se prodaje u apotekama (lijekovi) i čestu potrebu za njihovo hitno korištenje radi očuvanja zdravlja, kupovanje nakon 22,00 sata, nedjeljom i u dane praznika bilo bi onemogućeno te bi se u nekim slučajevima moglo završiti sa fatalnim posljedicama.

Prilikom donošenja Odluke o izmjenama i dopuna Odluke o javnom redu i miru koja je objavljena u „Službenom glasniku općine Zavidovići“ broj 7/2008, brisan je član 4., te tom prilikom nisu usklađene odredbe o nadzoru i kaznene odredbe, a što je bilo potrebno zbog promjene redosljeda odredbi Odluke koji je nastao usljed brisanja navedenog člana.

Iz navedenih razloga predlaže se donošenja ove Odluke.

## UČEŠĆE JAVNOSTI U DONOŠENJU ODLUKE

Općinsko vijeće Zavidovići na svojoj 9. sjednici održanoj 28. i 29.04.2008. godine donijelo je zaključak broj 01-05-1301/09 kojim se prihvata Nacrt odluke o izmjenama i dopunama Odluke o javnom redu i miru i isti upućuje na javnu raspravu.

Javna rasprava je provedena tako što je u sredstvima javnog informisanja (Radio Zavidovići i KTV Zavidovići ) objavljeno obavještenje o provođenju javne rasprave po Nacrtu odluke o izmjenama i dopunama Odluke o javnom redu i miru, te je isti upućen privrednim društvima, udruženjima samostalnih privrednika, političkim partijama, mjesnim zajednicama i strankama te su pozvani za učešće u javnoj raspravi.

Tokom trajanja javne rasprave podneseni su prijedlozi i sugestije Općinskog odbora Stranke demokratske akcije Zavidovići, Udruženje samostalnih privrednika Zavidovići i Hadrović Zijad iz Ribnice. Prijedlozi Udruženja samostalnih privrednika Zavidovići i Općinskog odbora Stranke demokratske akcije Zavidovići su prihvaćeni, te je propisano da nedjeljom nije zabranjen rad objekata iz člana 1. tačka a. Odluke nego samo u dane državnih praznika. Primjedbe i prijedlozi Hadrović Zijada nisu prihvaćeni. Naime, analizom navoda iz dostavljenog prijedloga i primjedbi evidentan je problem prilikom postavljanja akustičnih uređaja za reprodukciju zvuka (zvučnika) na spoljašnje dijelove zgrade te je sasvim zamisliva situacija da to može predstavljati problem za susjedne objekte zbog prekomjernog zvuka koji se sa istih reprodukuje. Prilikom razmatranja prijedloga i sugestija Hadrović Zijada utvrdili smo da je eliminisanje pojave upotrebljavanja zvučnika preko granica dozvoljenog na vanjskim dijelovima ugostiteljskih objekata moguće sprovesti striktnom i doslovnom primjenom Zakona o zaštiti od buke („Službene novine ZE-DO kantona“ broj 2/2008), te da je propisivanje zabrane u članu 5. stav 2. Odluke u suprotnosti sa navedenim Zakonom.

U postupku izrade Prijedloga odluke o izmjenama i dopunama Odluke o javnom redu i miru vođeno je računa o diskusiji koja je vođena na 9. sjednici Općinskog vijeća Zavidovići održanoj 28. i 29.04.2009. godine povodom razmatranja-pretresa Nacrta odluke, kao sastavnog dijela javne rasprave.

## ODREDBE NACRTA ODLUKE KOJE SU PROMJENJENE U ODNOSU NA PRIJEDLOG ODLUKE

### Član 2.

U članu 7. stav 2. tačka a.) iza riječi „dragstora“ dodaje se zarez i riječ „apoteka“.  
U članu 7. stav 5., iza riječi „trgovinskih centara“ dodaje se riječ „apoteka“,

## ODREDBE ODLUKE KOJE SE MIJENJAJU

### Član 4.

Zabranjeno je izvoditi i organizovati izvođenje muzike uživo i upotrebljavati uređaje za reprodukciju muzike u ugostiteljskim objektima kako slijedi:

a) u zatvorenom prostoru u ugostiteljskim objektima koji se nalaze u poslovnim i stambeno-poslovnim zgradama od 22,00 do 6,00 sati u zimskom periodu, odnosno od 23,00 do 6,00 sati u ljetnom periodu,

b) u ugostiteljskim objektima iz grupe «barovi» od 02,00 do 06,00 sati.

Zabranjeno je u okviru ljetne bašte kao i na fasadnim zidovima koji vežu uz prostor ljetne bašte, kako sa vanjske tako i sa unutrašnje strane, postavljanje uređaja za puštanje, reprodukciju i pojačavanje zvuka.

### Član 7.

Uslužni objekti su dužni da se pridržavaju radnog vremena utvrđenog njihovim aktima, a na ulazu u objekat mora stajati natpis sa radnim vremenom.

Zabranjen je rad:

a) Klasičnih prodavnica, samoposluga, diskontnih prodavnica, butika, robnih kuća, kioska, prodajnih stolova, pokretnih prodavnica, automata, skladišta-stovarišta, administrativnih prostora trgovina na osnovu uzorka i u tranzitu, tržnica na veliko, tržnica na malo, trgovinskih centara, stočnih pijaca, sajмова i vašara, stočnih sajмова, otkupnih stanica poljoprivrednih proizvoda i stoke i ostalih trgovačkih objekata u smislu Zakona o trgovini u vremenu od 22,00 do 6,00 sati, osim dragstora i benzinskih pumpnih stanica gdje radno vrijeme može trajati od 0,00 do 24,00 sati,

b) Ugostiteljskih objekata, odnosno radnji, u vremenu od 24,00 do 6,00 sati,

c) Ugostiteljskih objekata iz grupe barovi, hoteli, moteli i diskoteke definirane Pravilnikom o razvrstavanju, minimalnim uvjetima i kategorizaciji ugostiteljskih objekata u vremenu od 2,00 do 6,00 sati, osim ugostiteljskih objekata za smještaj gostiju i pekara gdje radno vrijeme može trajati od 0,00 do 24,00 sata.

Izuzetno od prethodnog stava, ugostitelji mogu u ugostiteljskim objektima organizovati produžen rad istog za vrijeme državnih i vjerskih praznika.

Ugostitelj je dužan pribaviti odobrenje za rad ugostiteljskog objekta duže od radnog vremena iz tačke c. stav 1. ovog člana od općinskog organa nadležnog za poslove ugostiteljstva, koji će isto izdati na zahtjev ugostitelja».

Zabranjen je rad objekata iz stava 1. tačka a. ovog člana nedjeljom i državnim praznicima izuzev trgovinskih centara, specijaliziranih prodavnica pekarskih proizvoda i kioska za prodaju štampe.

### Član 19.

Nadzor nad sprovođenjem odredaba članova 2., 3., 5., 6., 8., 9., 10., 11., 12. stav 1, 13., 14. stav 2, 15., 16. i 18. ove Odluke vrši Policijska uprava Zavidovići.

Nadzor nad sprovođenjem odredbe člana 4., 7. i 12. stav 2 ove Odluke vrši tržišna, turističko-ugostiteljska inspekcija.

Nadzor nad sprovođenjem odredaba članova 12. stav 3, 14. stav 1, 16., 17. i 19. ove Odluke vrši komunalna inspekcija.

### Član 20.

Novčanom kaznom od 500,00 do 2.000,00 KM kazniti će se pravno lice za prekršaj:

1. ako u naselju ili otvorenom prostoru bez prethodnog odobrenja ili mimo odobrenja upotrebljava aparate - muzičke instrumente sa pojačanjem zvuka (član 3. stav 1 i 4),

2. ako izvođenje muzike i upotreba uređaja za reprodukciju zvuka prelazi nivo buke utvrđen u članu 4. ove Odluke,

3. ako izvodi i organizuje izvođenje muzike suprotno zabrani iz člana 5. ove Odluke,

4. ako stvara buku protivno članu 6. stav 2 ove Odluke,

5. ako se ne pridržava radnog vremena iz člana 7. ove Odluke.

6. ako toči alkohol u ugostiteljskim objektima ili vrši prodaju alkohola licima mlađim od 18 godina (član 12. stav 2).

Novčanom kaznom od 50,00 do 500,00 KM kazniti će se odgovorno lice za prekršaj iz stava 1. ovog člana.

Novčanom kaznom u iznosu od 200,00 KM do 700,00 KM kazniti će se i obrtnik, trgovac ili ugostitelj-fizičko lice za prekršaje utvrđene u stavu 1. ovog člana.

Član 21.

Novčanom kaznom od 50,00 do 300,00 KM kazniti će se fizičko lice za prekršaj:

1. ako na javnim mjestima gdje se stvaraju redovi građana stvara nered i ulazi preko reda (član 2.),
2. ako u naselju ili otvorenom prostoru bez prethodnog odobrenja ili mimo odobrenja upotrebljava aparate-muzičke instrumente sa pojačanjem zvuka (član 3. stav 1 i 4),
3. ako se na javnim mjestima ne pridržava zabrane iz člana 6. stav 1 ove Odluke,
4. ako stvara buku protivno članu 6. ove Odluke,
5. ako nosi i baca predmete iz člana 8. ove Odluke,
6. ako postupi suprotno zabrani iz člana 9. ove Odluke,
7. ako postupa sa psom i opasnim životinjama u suprotnosti sa članom 10. ove Odluke,
8. ako ulazi u prostorije i ograđene prostore iz člana 11. ove Odluke,
9. ako unosi i konzumira alkohol suprotno zabrani iz člana 12. stav 1 i 3 Odluke,
10. ako sjedi na objektima 13. stav 1. Odluke i leži na mjestima iz stav 2. istog člana,
11. ako ne poštuje zabrane iz člana 14. do 19. Odluke.

FINASIJSKA SREDSTVA POTREBNA ZA SPROVOĐENJE OVE ODLUKE.

Za sprovođenje ove odluke nije potrebno planirati novčana sredstva u Budžetu Općine Zavidovići.

OPĆINSKI NAČELNIK

Hakija Osmić, dipl.ecc., s.r.

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA ZAVIDOVIĆI  
OPĆINSKI NAČELNIK  
Služba za upravu ekonomskih  
poslova i poduzetništva

Broj:03/5-05-621/09

Datum:20.05.2009. godine

KABINET OPĆINSKOG NAČELNIKA

- O V D J E -

PREDMET: Nacrt odluke o izmjenama i dopunama  
Odluke o javnom redu i miru, dostavlja se

U prilogu akta dostavljamo vam Prijedlog odluke o izmjenama i dopunama Odluke o javnom redu i miru na razmatranje i Izvještaj o provedenoj javnoj raspravi i upućivanje Općinskom vijeću na usvajanje. Prijedlog Odluke dostavljamo nakon provedene rasprave po usvojenom Nacrtu.

Prijedlog odluke urađen je u skladu sa Jedinstvenim pravilima za izradu propisa u Zničko-dobojskom kantonu („Službene novine ZDK“ broj 5/08).

S poštovanjem.

POMOĆNIK NAČELNIKA

Džeraldina Miličević, dipl.ing.građ.

Dostavljeno:

1. Naslovu,
2. U spis.

BOSNA I HERCEGOVINA  
FEDERACIJA BOSNE I HERCEGOVINE  
ZENČKO-DOBOJISKI KANTON  
OPĆINA ZAVIDOVIĆI  
OPĆINSKI NAČELNIK  
Služba za upravu ekonomskih  
poslova i poduzetništva  
Broj:03/5-05-621/09  
Datum: 20.05.2008. godine

KABINET OPĆINSKOG NAČELNIKA  
- O v d j e -

PREDMET: Izvještaj o provedenoj javnoj raspravi, dostavlja se

Općinsko vijeće Zavidovići na svojoj 47. sjednici održanoj 28.03.2008. godine donijelo je zaključak broj 01-05-247/07 kojim se prihvata Nacrt odluke o izmjenama i dopunama Odluke o javnom redu i miru i isti upućuje na javnu raspravu.

Javna rasprava je provedena tako što je u sredstvima javnog informisanja (Radio Zavidovići i KTV Zavidovići ) objavljeno obavještenje o provođenju javne rasprave po Nacrtu odluke o izmjenama i dopunama Odluke o javnom redu i miru, te je isti upućen privrednim društvima, udruženjima samostalnih privrednika, političkim partijama, mjesnim zajednicama i strankama, te su pozvani za učešće u javnoj raspravi.

Općinsko vijeće Zavidovići na svojoj 9. sjednici održanoj 28. i 29.04.2008. godine donijelo je zaključak broj 01-05-1301/09 kojim se prihvata Nacrt odluke o izmjenama i dopunama Odluke o javnom redu i miru i isti upućuje na javnu raspravu.

Javna rasprava je provedena tako što je u sredstvima javnog informisanja (Radio Zavidovići i KTV Zavidovići ) objavljeno obavještenje o provođenju javne rasprave po Nacrtu odluke o izmjenama i dopunama Odluke o javnom redu i miru, te je isti upućen privrednim društvima, udruženjima samostalnih privrednika, političkim partijama, mjesnim zajednicama i strankama te su pozvani za učešće u javnoj raspravi.

Tokom trajanja javne rasprave podneseni su prijedlozi i sugestije Općinskog odbora Stranke demokratske akcije Zavidovići, Udruženje samostalnih privrednika Zavidovići i Hadrović Zijad iz Ribnice. Prijedlozi Udruženja samostalnih privrednika Zavidovići i Općinskog odbora Stranke demokratske akcije Zavidovići su prihvaćeni, te je propisano da nedjeljom nije zabranjen rad objekata iz člana 1. tačka a. Odluke nego samo u dane državnih praznika. Primjedbe i prijedlozi Hadrović Zijada nisu prihvaćeni. Naime, analizom navoda iz dostavljenog prijedloga i prijedbi evidentan je problem prilikom postavljanja akustičnih uređaja za reprodukciju zvuka (zvučnika) na spoljašnje dijelove zgrade te je sasvim zamisliva situacija da to može predstavljati problem za susjedne objekte zbog prekomjernog zvuka koji se sa istih reprodukuje. Prilikom razmatranja prijedloga i sugestija Hadrović Zijada utvrdili smo da je eliminisanje pojave upotrebljavanja zvučnika preko granica dozvoljenog na vanjskim dijelovima ugostiteljskih objekata moguće sprovesti striktnom i doslovnom primjenom Zakona o zaštiti od buke („Službene novine ZE-DO kantona“ broj 2/2008), te da je propisivanje zabrane u članu 5. stav 2. Odluke u suprotnosti sa navedenim Zakonom.

U postupku izrade Prijedloga odluke o izmjenama i dopunama Odluke o javnom redu i miru vođeno je računa o diskusiji koja je vođena na 9. sjednici Općinskog vijeća Zavidovići održanoj 28. i 29.04.2009. godine povodom razmatranja-pretresa Nacrta odluke, kao sastavnog dijela javne rasprave.

S poštovanjem.

Dostavljeno:  
1. Naslovu,  
2. U spis.

POMOĆNIK NAČELNIKA  
Džeraldina Miličević, dipl. ing. građ